

Član 25.

(Finansiranje dobrovoljnih vatrogasnih društava)

Dobrovoljna vatrogasna društva finansiraju se iz sredstava osnivača društva, donacija i drugih vrsta pomoći, sredstava iz Budžeta općine.

**POGLAVLJE VII. Prelazne i završne odredbe**

Član 26.

(Organizovanje postojećih vatrogasnih jedinica)

- (1) Postojeće vatrogasne jedinice organizirat će se u skladu sa članom 170. Zakona o zaštiti od požara.
- (2) Poslove iz stava (1) ovog člana planira i osigurava njihovo izvršenje Općinski načelnik.

Član 27.

(Obaveza organa civilne zaštite)

- (1) Organ uprave civilne zaštite općine dužan je donijeti pravilnik o unutrašnjoj organizaciji i u njemu utvrditi radna mjesta za vršenje poslova zaštite od požara i vatrogastva, a u skladu sa članom 171. Zakona o zaštiti od požara.
- (2) Izvršenje poslova iz stava (1) ovog člana osigurava Općinski načelnik.

Član 28.

(Ravnopravnost spolova)

Gramatička terminologija u ovoj Odluci podrazumijeva uključivanje oba spola.

Član 29.

(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-4323/11-6  
24. novembra 2011. godine  
Ilidža

Predsjedavajuća  
Dr. Smiljana Viteškić, s. r.

Na osnovu člana 28. alineja četvrta i člana 88. stav (2) Statuta općine Ilidža - Prečišćeni tekst ("Službene novine Kantona Sarajevo", broj 33/10), Općinsko vijeće Ilidža, na 27. redovnoj sjednici održanoj 24. novembra 2011. godine, donijelo je

**RJEŠENJE**

**O RAZRJEŠENJU PREDsjedNIKA KOMISIJE ZA  
IMOVINSKO-PRAVNA PITANJA I STAMBENE  
POSLOVE**

I.

SENAID MEMIĆ, razrješava se dužnosti predsjednika Komisije za imovinsko-pravna pitanja i stambene poslove na lični zahtjev, podnošenjem ostavke na mandat općinskog vijećnika sa danom 07.04.2011. godine.

II.

Ovo rješenje objavit će se u "Službenim novinama Kantona Sarajevo".

Broj 01-02-4323/11-14  
24. novembra 2011. godine  
Ilidža

Predsjedavajuća  
Dr. Smiljana Viteškić, s. r.

Na osnovu člana 28. alineja četvrta i člana 88. stav (2) Statuta općine Ilidža - Prečišćeni tekst ("Službene novine Kantona Sarajevo", broj 33/10), Općinsko vijeće Ilidža, na 27. redovnoj sjednici održanoj 24. novembra 2011. godine, donijelo je

**RJEŠENJE**

**O IMENOVANJU PREDsjedNICE KOMISIJE ZA  
IMOVINSKO-PRAVNA PITANJA I STAMBENE  
POSLOVE**

I.

GROŠO AIDA imenuje se za predsjednicu Komisije za imovinsko-pravna pitanja i stambene poslove sa danom 24.11.2011. godine.

II.

Ovo rješenje objavit će se u "Službenim novinama Kantona Sarajevo".

Broj 01-02-4323/11-14  
24. novembra 2011. godine  
Ilidža

Predsjedavajuća  
Dr. Smiljana Viteškić, s. r.

**Općinski načelnik**

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", br. 7/05) i člana 55. Statuta Općine Ilidža ("Službene novine Kantona Sarajevo", br. 5/98), načelnik Općine Ilidža 24. novembra 2011. godine, verificovao je i donio

**ODLUKU**

**O KOREKCIJI IZMJENA I DOPUNA REGULACIONOG  
PLANA "STUP I"**

Član 1.

Usvaja se korekcija Izmjena i dopuna Regulacionog plana "Stup I" (u daljnjem tekstu: korekcija Plana).

Član 2.

Korekcija plana se odnosi na usklađivanje planiranih građevinskih parcela sa vlasničkim stanjem, a odnosi se na parcele k.č. 56/1 KO Donji Butmir ZK stanje, upisan korisnik FORUM business centar d.o.o. Sarajevo, k.č. 58/1, 58/2 KO Donji Butmir čiji je vlasnik UNITRADE d.o.o. Ljubuški.

Korekcijom plana omogućen je pristup predmetnih poarcela na XIV transverzalu. Parcele koje su označene u Planu kao 39,40,41,42 i 43, korekcijom Plana su označene kao parcela 39, dok je parcela 44, označena kao 40 i 41.

Član 3.

Korekcija Plana sastoji se iz tekstualnog dijela i 2 grafička priloga koji su predmet korekcije.

Tekstualni dio i grafički prilozi korekcije Plana su sastavni dio Izmjena i dopuna Regulacionog plana "Stup I" ("Službene novine Kantona Sarajevo", broj 29/06).

Član 4.

Korekcija Plana je rađena za faze urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Stup I", te pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Ilidža, Zavoda za planiranje razvoja Kantona Sarajevo i Ministarstva prostornog uređenja i komunalnih poslova Kantona Sarajevo.

Član 6.

Ova odluka stupa na snagu osmog dana od dana objavljivanja u "Službenim novinama Kantona Sarajevo"

Broj 06-751/11  
24. novembra 2011. godine  
Ilidža

Načelnik Općine  
Ilidža  
Prof. dr. Senaid Memić, s. r.

Zavod za planiranje razvoja Kantona Sarajevo  
**KOREKCIJA IZMJENA I DOPUNA  
REGULACIONOG PLANA " STUP I"**

Direktor  
Mr. sci. Đuzo Fahrudin  
Sarajevo, maj, 2011. g.

NOSILAC PRIPREME PLANA: NAČELNIK OPĆINE  
ILIDŽA

NOSILAC IZRADE PLANA: ZAVOD ZA PLANIRANJE  
RAZVOJA KANTONA SARAJEVO

DIREKTOR: Mr. sci. ĐUZO FAHRUDIN

KOORDINATOR SEKTORA ZA PROVEDBENU PLANSKU  
DOKUMENTACIJU I STRUČNA MIŠLJENJA:  
STANISLAVA MARINOVIĆ, d.i.a.

ODGOVORNI PLANER: HODŽIĆ JASMINKA, dipl.ing.arh.

**UVOD**

Regulacioni plan Izmjene i dopune Regulacionog plana "Stup I" je usvojen i objavljen u "Službenim novinama Kantona Sarajeva", br. 29/06.

U skladu sa odredbama člana 46. Zakona o prostornom uređenju ("Službene novine Kantona Sarajevo", broj 7/05) Načelnik Općine Ilidža je pokrenuo inicijativu za korekciju Izmjena i dopuna Regulacionog plana "Stup I" (akt broj 03-sl/11. od 26.01.2011.g.)

**IZMJENA I DOPUNA REGULACIONOG PLANA "STUP I"**

Područje koje razmatra Izmjena i dopuna Regulacionog plana "Stup I" zauzima površinu od 35,7 ha i ograničeno je:

- sa istoka - planirana XIII transverzala,
- sa sjevera - pruga Ploče-Sarajevo,
- sa zapada - planirana XIV transverzala i Pijačna ulica,
- sa juga - Bulevar Meše Selimovića.

Uređenje područja razmatranja, zbog izuzetno značajnog položaja u gradskoj strukturi, zahtijevalo je unošenje polifunkcionalnih sadržaja primjerenih gradskoj matrici. Od ukupne bruto građevinske površine za stambeno-poslovne objekte planirano je 33% površine, za individualno stanovanje 7%, a za poslovne objekte 60% površine.

Na osnovu gore navedenih planiranih površina, planirani broj stanovnika je cca 5000, što ukupno čini cca 6500 stanovnika.

Nove planirane građevinske parcele date su na način da se vlasniku parcele i objekta daje mogućnost kako nove gradnje tako i dogradnje, rekonstrukcije i povećanja gabarita maksimalno do zadate građevinske linije, tako da izgradnja ne smije obuhvatiti više od 60% ukupne parcele.

Maksimalna spratnost se kreće od P+6, koja je određena za objekte uz Bulevar Meše Selimovića do P+3, koja je predviđena za stambene objekte.

**KOREKCIJA IZMJENA I DOPUNA REGULACIONOG  
PLANA "STUP I"**

Korekcija plana, se odnosi na usklađivanje planiranih građevinskih parcela sa vlasničkim stanjem, a odnosi se na parcele k.č. 56/1 KO Donji Butmir ZK stanje, upisan korisnik FORUM business centar d.o.o. Sarajevo, k.č. 58/1, 58/2 KO Donji Butmir čiji je vlasnik UNITRADE d.o.o. Ljubuški.

Korekcijom plana omogućen je pristup predmetnih parcela na XIV transverzalu. Parcele koje su označene u Planu kao 39,40,41,42 i 43, korekcijom Plana su označene kao parcela 39, dok je parcela 44, označena kao 40 i 41.

